

*čuvati
di kraja*

SLUŽBENE NOVINE
KANTONA SARAJEVO

Četvrtak, 9. marta 2006.

Broj 7 – Strana 241

ODLUKU

O GUBITKU STATUSA JAVNOG DOBRA
U OPĆOJ UPOTREBI

Član 1.

Utvrđuje se da je izgubilo status javnog dobra u općoj upotrebi zemljište upisano u Iskaz I k.o. Donja Vogošća

- k.č.broj 1702/2 po kulturi gradilište u površini od 12 m².

Član 2.

Zemljišno - knjižni ured Općinskog suda u Sarajevu će brisati izvršeni upis zemljišta iz člana 1. ove Odluke kao nekretnina u općoj upotrebi - javno dobro, a navedeno zemljište će upisati kao državnu svojinu u odgovarajući zemljišno-knjižni uložak sa pravom raspolažanja Općine Vogošća sa dijelom 1/1.

Član 3.

Ova Odluka stupa na snagu danom donošenja a objavit će se u "Službenim novinama Kantona Sarajevo".

Broj 01-02-697/06
28. februara 2006. godine
Vogošća

Predsjedavajuća
Općinskog vijeća Vogošća
Nada Šćur, s. r.

Na osnovu člana 29. Zakona o lokalnoj samoupravi ("Službene novine Kantona Sarajevo", broj 22/00 - Prečišćen tekst), člana 2.12. stav 5 i člana 2.15. Izbornog zakona BiH ("Službeni glasnik BiH", broj 23/01, 7/02, 9/02, 20/02, 25/02, 20/04, 25/05 i 52/05) i člana 67. Statuta Općine Vogošća ("Službene novine Kantona Sarajevo", broj 22/01 - Prečišćen tekst, 35/01, 8/02 i 24/04) Općinsko vijeće Vogošća, na sjednici održanoj 31. oktobra 2005. godine, donijelo je

RJEŠENJE

O IMENOVANJU ČLANA OPĆINSKE IZBORNE
KOMISIJE VOGOŠĆA

I

Ćutahija Haris, imenuje se za člana Općinske izborne komisije Vogošća.

II

Imenovanje se vrši do isteka mandata Općinske izborne komisije.

III

Ovo Rešenje je stupilo na snagu dana 23. 2. 2006. godine davanjem saglasnosti Izborne komisije Bosne i Hercegovine, a objavit će se u "Službenim novinama Kantona Sarajevo".

Broj 01-02-3867/06
31. oktobra 2005. godine
Vogošća

Predsjedavajuća
Općinskog vijeća Vogošća
Nada Šćur, s. r.

PRIVREDNA KOMORA KANTONA SARAJEVO

Na osnovu Odluke Skupštine Privredne komore Kantona Sarajevo donesene na devetoj sjednici, održanoj 20. 12. 2005. godine, Stručna služba Komore je sačinila Prečišćeni tekst Statuta Privredne komore Kantona Sarajevo koji obuhvata: Statut Privredne komore Kantona Sarajevo ("Službene novine Kantona Sarajevo", broj 1/99) i Odluku o izmjenama i dopunama Statuta Privredne komore Kantona Sarajevo ("Službene novine Kantona Sarajevo", broj 38/05), u kojima je označen dan stupanja na snagu

STATUT

PRIVREDNE KOMORE KANTONA SARAJEVO

/Prečišćeni tekst/

I. OPŠTE ODREDBE

Član 1.

Ovim Statutom uređuju se pravni položaj, djelatnost, unutrašnja organizacija, organi, sredstva za rad i druga pitanja od značaja za organizaciju i poslovanje Privredne komore Kantona Sarajevo.

Član 2.

Privredna komora Kantona Sarajevo nastala je transformacijom Privredne komore regije Sarajevo u provođenju Zakona o privrednim komorama u Federaciji Bosne i Hercegovine.

Privredna komora Kantona Sarajevo je pravni sljednik Privredne komore regije Sarajevo i preuzima sva njena prava, obaveze i odgovornosti, u skladu sa zakonom.

II. PRAVNI POLOŽAJ KOMORE

Član 3.

Privredna komora Kantona Sarajevo (u daljnjem tekstu: Komora) je samostalno, nezavisno, nevladino, neprofitno udruženje pravnih i fizičkih lica koja obavljaju privrednu djelatnost u njegovim općinama: Centar Sarajevo, Hadžići, Ilidža, Ilijaš, Novi Grad Sarajevo, Novo Sarajevo, Stari Grad Sarajevo, Trnovo i Vogošća.

Članstvo u Komori je dobrovoljno.

Komora obavlja svoju djelatnost izvan utjecaja političkih stranaka.

Član 4.

Članovi Komore mogu biti privredna društva, banke, osiguravajuća društva, finansijske organizacije, zadruge, poslovna udruženja i zajednice, zemljoradničke zadruge, članovi odgovarajućih saveza, preko svojih asocijacija.

Članovi Komore mogu biti i naučno-istraživačke i obrazovne institucije, udruženja građana koja se bave privrednom djelatnošću, savezi, interesne asocijacije, fondacije, zaklade i druge organizacije sa teritorije Kantona Sarajevo koje obavljaju djelatnost od značaja za privредu, ukoliko svojom odlukom izraze interes za kolektivno članstvo u Komori.

Član 5.

Pravna lica iz člana 4. stav 1. ovog Statuta mogu steći članstvo u Komori prema sjedištu upisom u sudski registar, a kolektivni članovi obrazovanjem asocijacija.

Pravna lica iz člana 4. ovog Statuta, kao članovi Komore, su ujedno članovi Privredne komore Federacije Bosne i Hercegovine i svoja prava u toj komori ostvaruju preko Komore, strukovnih oblika organizovanja, saveza i drugih asocijacija, na način utvrđen Zakonom i ovim Statutom.

Član 6.

Komora ima svojstvo pravnog lica.

Komora odgovara za svoje obaveze cijelokupnom svojom imovinom.

Član 7.

Naziv Komore je: Privredna komora Kantona Sarajevo.
Sjedište Komore je u Sarajevu.

Član 8.

Komora ima svoje pečate i štambilje koji obvezno sadrže naziv i sjedište Komore.

Broj i vrstu pečata i štambilja, njihov oblik, veličinu i sadržaj, kao i način upotrebe, utvrđuje Upravni odbor Komore posebnom odlukom.

Tekst pečata ili štambilja je isписан na jednom od jezika u zvaničnoj upotrebi u Bosni i Hercegovini i na stranom jeziku.

SLUŽBENE NOVINE KANTONA SARAJEVO

Broj 7 – Strana 242

Četvrtak, 9. marta 2006.

Član 9.

Komora se u svom poslovanju može koristiti amblemom i drugim grafičkim standardima koje utvrđuje Upravni odbor.

Član 10.

Rad Komore je javan.

Javnost rada Komore obezbjeđuje se putem sredstava javnog informisanja, vlastitog informacionog sistema i izdavanjem posebnih publikacija i biltena Komore.

Organi Komore mogu odlučiti da određena pitanja izuzetno razmatraju bez predstavnika sredstava javnog informisanja.

Podatke i informacije o radu i aktivnostima Komore može davati predsednik Komore i od njega ovlaštena lica i oni su odgovorni za njihovu tačnost i istinitost.

Općim aktom koji donosi Upravni odbor Komore određuje se koje isprave i podaci predstavljaju poslovnu tajnu čije bi saopštenje, zbog njihove prirode i značaja, bilo protivno interesima Komore i njenih članova.

Član 11.

Komoru zastupa i predstavlja predsednik Komore, bez ograničenja.

U slučaju spriječenosti ili odsutnosti predsednika Komore, Komoru zastupa i predstavlja potpredsednik Komore.

Član 12.

Predsednik Komore može ovlastiti potpredsednika da zastupa i predstavlja Komoru u određenim poslovima bez obzira na svoju spriječenost ili odsutnost.

U slučaju iz prethodnog stava potpredsednik Komore ima sva prava, obaveze i odgovornosti Predsednika Komore ako pri davanju ovlaštenja za zastupanje i predstavljanje nisu određene granice ovlaštenja.

Član 13.

Ne smatra se zastupanjem Komore potpisivanje finansijske dokumentacije.

Dokumentaciju iz prethodnog stava pored zastupnika Komore mogu potpisivati i drugi radnici Komore koje ovlasti predsednik Komore.

III. DJELATNOST KOMORE

Član 14.

Djelatnost Komore je zastupanje interesa članova Komore pred organima izvršne vlasti i uprave Kantona Sarajevo, kao partnerom u:

- pripremi i donošenju zakona, drugih propisa, mjera ekonomskih politika i instrumenata kojima se uređuje ekonomski položaj privrednih subjekata
- pripremi i donošenju strategije razvoja, sektorskih ekonomskih politika (industrije, poljoprivrede, prometa i dr.), zaštiti domaće proizvodnje, uspostavljanju sistema ekološki održivog razvoja, razvoju i unapređivanju institucija tržista i utvrđivanju tehničkih i drugih standarda
- pripremi i donošenju mjera unapređivanja izvoza roba i usluga
- promociji privrede u zemlji i inozemstvu
- utvrđenoj nadležnosti zastupanja poslodavaca u pripremi i donošenju propisa u oblastima rada, penzionog i zdravstvenog osiguranja, plaća i sl.
- drugim pitanjima utvrđenim posebnim propisima i ovlaštenjima Komore u nadležnostima iz partnerskih odnosa.

Djelatnost iz prethodnog stava Komora obavlja neposredno ili putem svojih organa utvrđujući prijedloge, stavove i mišljenja svojih članova, koje nakon obrade dostavlja nadležnim organima na razmatranje, bez obzira da li je inicijativa za rješavanje navedenih problema potekla od organa izvršne vlasti i uprave ili od Komore odnosno njenih članova.

Član 15.

Osim poslova iz člana 14. ovog Statuta, Komora obavlja i druge poslove, a naročito:

- prati tekuća privredna kretanja, posebno utjecaj tržišta, kretanje proizvodnje, zaposlenosti, kreditnu politiku banaka, kao i druge elemente relevantne za vođenje poslovne politike i o tome informiše članove Komore
- utvrđuje bonitet svojih članova i izdaje o tome potrebne dokumente u međunarodnim i unutrašnjim privrednim odnosima
- inicira i učestvuje u radu na razvojnim projektima od zajedničkog i šireg interesa za Kanton i Federaciju
- proučava i predlaže donošenje selektivnih podsticajnih mjera za pojedine sektore privrede na području Kantona odnosno općine
- organizuje promotivno-propagandne aktivnosti i istraživanje tržišta
- predlaže mjere za tehnološku obnovu i strukturno prilagodavanje privrede od značaja za Kanton i Federaciju
- povezuje privredne subjekte sa naučno-istraživačkim i istraživačko-razvojnim institucijama i podstiče učešće nauke u razvoju privrede
- podstiče stvaralaštvo kojim se razvija savremena domaća tehnologija, povećava proizvodnost rada, poboljšava kvalitet proizvoda, postupaka i usluga i povećava dobit preduzeća
- uspostavlja kontakte i saradnju sa komorama i sličnim asocijacijama u zemlji i inozemstvu radi ostvarivanja poslovne saradnje
- stvara uvjete za proširivanje poslovne i tehnološke saradnje na ravnopravnoj osnovi sa drugim kantonima i inozemstvom i za uključivanje u međukantonalnu, odnosno međunarodnu podjelu rada u oblasti tehnološkog stvaralaštva
- podstiče primjenu domaćih pronalazaka, tehničkih unapređenja i inovacija u proizvodnji
- podstiče donošenje mjera za zaštitu i unapređenje čovjekove okoline i za obezbjeđivanje održivog razvoja
- podstiče razvijanje i zaštitu poslovнog morala i dobrih poslovnih običaja na domaćem tržištu i u spoljnotrgovinskom poslovanju radi zaštite interesa preduzeća, zaštite okoliša, interesa potrošača i u tom smislu utvrđuje pravila ponašanja
- pospješuje uključivanje privrede Kantona u savremene informacione tokove i sisteme poslovnog odlučivanja, a posebno pruža pomoć članovima Komore u razvoju i primjeni informacionih tehnologija i drugih usluga u oblasti poslovnog informisanja
- organizuje permanentno obrazovanje (inoviranje i dopuna znanja) poslovnih i drugih stručnih kadrova u funkciji razvoja preduzetništva i privrede u cjelini
- učestvuje u organizovanju sajmova, izložbi i prezentacija proizvoda i usluga članova Komore i pruža im pomoć u nastupu na domaćim i inozemnim tržištima, te povezuje svoje članove sa poslovnim partnerima u zemlji i inozemstvu
- pruža različite oblike pomoći i servisnih usluga članovima Komore prema svojim mogućnostima, a naročito srednjim i malim preduzećima u vezi sa njihovim osnivanjem, organizovanjem i razvojom
- učestvuje u osnivanju i pruža pomoć fondacijama, privrednim asocijacijama i udruženjima i drugim subjektima koja svojom osnovnom djelatnošću podržavaju nastanak i razvoja malog i srednjeg biznisa, osnivanjem malih i srednjih preduzeća u oblasti proizvodnje i proizvodnih i drugih usluga
- učestvuje u izvršavanju zajedničkih zadataka i poslova sa ostalim komorama u Federaciji BiH
- obavlja i druge poslove za koje privreda Kantona iskaže interes, samostalno ili u saradnji sa drugim komorama, naučnim ustanovama ili institucijama.

Član 16.

Komora vodi registar svojih članova.

Registar Komore je javna knjiga na osnovu koje se izdaju odgovarajuća rješenja članovima o članstvu, sa pravima i

S L U Ž B E N E N O V I N E
KANTONA SARAJEVO

Četvrtak, 9. marta 2006.

Broj 7 – Strana 243

obavezama iz osnova članstva u Komori, kao i odgovarajuća uvjerenja i potvrde, kao javne isprave.

Register Komore vodi se prema Uputstvu Privredne komore Federacije.

IV. PRAVA, OBAVEZE I ODGOVORNOSTI ČLANOVA KOMORE I NJIHOVIH PREDSTAVNIKA

Član 17.

Prava, obaveze i odgovornosti članova Komore su:

- da biraju predstavnike i da budu birani u organe Komore
- da od Upravnog odbora Komore, predsjednika Komore ili od njega ovlaštenog lica u Komori zahtijevaju preduzimanje inicijative radi zastupanja interesa članova Komore u partnerskim odnosima sa organima izvršne vlasti i uprave Kantona u poslovima iz člana 14. ovog Statuta
- da koriste stručnu i drugu pomoć, kao i usluge koje vrši Komora u okviru svoje djelatnosti
- da unapređuju rad Komore i njenih organa
- da se pridržavaju zakona i drugih propisa, ovog Statuta, općih i drugih akata organa Komore
- da primjenjuju i poštjuju odredbe Kodeksa poslovne etike članova Komore
- da snose odgovornost za ponašanje protivno propisima, aktima Komore, poslovnom moralu i dobrim poslovnim običajima.

Član 18.

Prava, obaveze i odgovornosti predstavnika članova Komore u organima Komore su:

- da upravljaju poslovima Komore putem njenih organa
- da predlažu, biraju i budu birani u organe Komore
- da daju prijedloge, sugestije i mišljenja o pitanjima iz djelokruga rada Komore
- da prisustvuju sjednicama organa Komore
- da traže rješenja pitanja ili problema u nadležnim organima Komore pokrenutog od članova Komore čiji su oni predstavnici
- da informišu članove Komore čiji su predstavnici o odlukama, zaključcima i stavovima zauzetim na organima Komore
- da učestvuju u izršavanjima odluka organa Komore
- da se pridržavaju zakona i drugih propisa, Statuta, općih i drugih akata organa Komore
- da odgovaraju za neizvršavanje svojih obaveza

V. UNUTRAŠNJA ORGANIZACIJA KOMORE

Član 19.

Svoju djelatnost Komora obavlja putem radnih tijela i Stručne službe Komore, koji razmatraju određenu problematiku i pripremaju prijedloge odgovarajućih odluka za organe Komore.

Osim poslova iz stava 1. ovog člana Stručna služba Komore obavlja i sve stručne, administrativne, tehničke i druge poslove za potrebe Komore.

Član 20.

Kao radna tijela Komore mogu se obrazovati savjeti za pojedine oblasti i grane privrede, kao i za privredni sistem u cjelini, ekonomsku politiku, nauku, obrazovanje i dr., te druga radna tijela prema potrebama Komore.

Član 21.

Savjeti i druga radna tijela razmatraju pitanja razvoja privrede i tekućeg privredivanja u Kantonu, i to: ili privrede u cjelini ili odredene privredne oblasti, odnosno grane, za koje su članovi Komore iskazali interes i o njima zauzimaju svoje stavove i mišljenja, te utvrđuju prijedloge koje upućuju odgovarajućim organima Komore na razmatranje i odlučivanje.

Savjeti i druga radna tijela imaju isključivo savjetodavnu funkciju u odnosu na organe Komore.

Član 22.

Savjete i druga radna tijela Komore, problematika za koju se obrazuju, broj njihovih članova i druga pitanja od značaja za njihov uspješan rad utvrđuje Upravni odbor Komore općim aktom, na prijedlog predsjednika Komore.

Upravni odbor na prijedlog predsjednika Komore imenuje članove savjeta i drugih radnih tijela, vodeći računa da to budu istaknuti privrednici-poduzetnici, naučno-istraživački radnici ili ugledni stručnjaci iz oblasti privrede.

Sastanke savjeta i drugih radnih tijela saziva i njima rukovodi lice koje imenuje Upravni odbor.

Član 23.

Stručnu službu Komore sačinjavaju posebne organizacione jedinice za obavljanje određenih stručnih, administrativnih, tehničkih i drugih poslova za potrebe Komore.

Rad Stručne službe organizuje i njim rukovodi sekretar Komore u granicama ovlaštenja utvrđenih ovim Statutom.

Radnici Stručne službe zasnovaju radni odnos sa Komorom i u njoj ostvaruju sva svoja prava i obaveze na radu i po osnovu rada.

Organizacija i način rada Stručne službe Komore bliže se uređuju općim aktom kojeg donosi Upravni odbor, na prijedlog predsjednika Komore.

VI. ORGANI KOMORE

Član 24.

Komorom upravljaju njeni članovi iz člana 4. ovog Statuta, putem organa Komore.

Organji Komore su:

1. Skupština Komore
2. Upravni odbor Komore
3. Nadzorni odbor Komore
4. predsjednik Komore.

Član 25.

Izbori za organe Komore su tajni i provode se istovremeno sa drugim kantonalnim komorama u Federaciji, na period od 4 godine.

Odluku o raspisivanju izbora za organe Komore donosi Privredna komora Federacije.

1. Skupština Komore

Član 26.

U Skupštinu Komore biraju se istaknuti privrednici-poduzetnici, naučno-istraživački radnici i drugi ugledni stručnjaci iz oblasti privrede.

Skupština Komore broji ukupno 35 (trideset pet) predstavnika.

Kriteriji i način izbora predstavnika članova Komore u Skupštinu uređuje se posebnom odlukom koju donosi Skupština Komore u skladu sa zakonom.

Član 27.

Skupština Komore održava se prema potrebi, a najmanje jedanput godišnje.

Skupština Komore će se održati ako to zahtijevaju Upravni odbor, Nadzorni odbor, predsjednik Komore ili najmanje jedna trećina predstavnika u Skupštini Komore.

Član 28.

Skupština Komore ima predsjednika i potpredsjednika koje bira na prvoj sjednici na vrijeme trajanja svog mandata.

Predsjednika i potpredsjednika Skupština bira javnim glasanjem, većinom glasova prisutnih predstavnika na sjednici.

Član 29.

Predsjednik Skupštine priprema i zakazuje sjednice, rukovodi radom i brine se o održavanju reda na sjednici, potpisuje akta o sjednici i akta donesena na sjednici.

U pripremi i zakazivanju sjednica Skupštine predsjednik Skupštine saraduje sa predsjednikom Komore.

**SLUŽBENE NOVINE
KANTONA SARAJEVO**

Broj 7 – Strana 244

Četvrtak, 9. marta 2006.

Predsjednik Komore ima pravo i dužnost da pomaže predsjedniku Skupštine u pripremi, zakazivanju i vođenju sjednice Skupštine, kao i da učestvuje u radu sjednice Skupštine, bez prava odlučivanja.

Član 30.

U radu sjednice Skupštine imaju pravo i obavezu da učestvuju, bez prava odlučivanja, članovi Upravnog odbora ukoliko nisu članovi Skupštine, članovi Nadzornog odbora i predsjednik Komore.

Član 31.

Skupština Komore:

- donosi Statut Komore
- donosi smjernice za godišnji i dugoročni program rada Komore
- usvaja izvještaj o radu Komore
- utvrđuje visinu članarine članova Komore
- usvaja finansijski plan i završni obračun Komore
- donosi Poslovnik o svom radu
- donosi Kodeks poslovne etike članova Komore
- donosi Odluku o kriterijumima i načinu izbora predstavnika u Skupštinu Komore i Uputstvo za provođenje izbora
- bira i razrješava članove Upravnog odbora i imenuje predsjednika i potpredsjednika Upravnog odbora Komore
- bira i razrješava članove Nadzornog odbora i imenuje predsjednika Nadzornog odbora Komore
- bira i razrješava predsjednika Komore
- donosi druge odluke, zaključke i preporuke, utvrđene zakonom, ovim Statutom i drugim općim aktima Komore.

Član 32.

Sjednica Skupštine može se održati ako je na sjednici prisutna većina predstavnika u Skupštini.

U slučaju da nije obezbijeden kvorum iz prethodnog stava, odlaze se početak sjednice najviše za jedan sat, a ako ni do tada ne bude obezbijeden kvorum, sjednica se odlaze za drugi dan, o čemu se obavještavaju prisutni na sjednici.

Član 33.

Kada Skupština odlučuje o izboru i razrješenju ostalih organa ili pojedinih članova ostalih organa Komore, odluke se donose tajnim glasanjem, većinom glasova ukupnog broja predstavnika u Skupštini.

Ukoliko se u toku mandata ukaže potreba za izborom ili razrješenjem jednog ili više predstavnika članova u organima Komore, Skupština može odlučiti da se izbor izvrši i javnim glasanjem.

Statut se donosi javnim glasanjem većinom glasova ukupnog broja predstavnika u Skupštini.

O ostalim pitanjima iz svog djelokruga Skupština donosi odluke javnim glasanjem, većinom glasova prisutnih predstavnika na sjednici.

Izuzetno, Skupština može odlučiti da se o pojedinim pitanjima iz prethodnog stava izvrši tajno glasanje.

Član 34.

Bliže odredbe o radu Skupštine Komore uređuju se Poslovnikom.

2. Upravni odbor Komore

Član 35.

Upravni odbor Komore bira Skupština Komore, na vrijeme trajanja svog mandata.

Upravni odbor obavlja svoju funkciju i po isteku mandata Skupštine koja ga je izabrala, sve dok novoizabrana Skupština ne izabere novi Upravni odbor.

Jedno lice može biti birano u Upravni odbor više puta, bez ograničenja.

Član 36.

Upravni odbor Komore broji 9 (devet) članova.

U Upravni odbor biraju se istaknuti privrednici-poduzetnici, naučno-istraživački radnici i ugledni stručnjaci iz oblasti privrede.

U Upravni odbor ne mogu biti birani članovi Nadzornog odbora i predsjednik Komore.

Član 37.

Upravni odbor ima predsjednika i potpredsjednika koje imenuje Skupština na vrijeme trajanja svog mandata.

Član 38.

Upravni odbor radi u sjednicama koje se održavaju prema potrebi.

Predsjednik Upravnog odbora priprema i zakazuje sjednice, rukovodi radom na sjednici i brine se o održavanju reda na sjednici, potpisuje akta o sjednici i akta donesena na sjednici.

U pripremi i zakazivanju sjednice Upravnog odbora predsjednik Upravnog odbora saraduje sa predsjednikom Komore.

Predsjednik Komore ima pravo i dužnost da pomaže predsjedniku Upravnog odbora u pripremi, zakazivanju i vođenju sjednice, kao i da učestvuje u radu sjednice Upravnog odbora, bez prava odlučivanja.

Član 39.

Upravni odbor Komore:

- priprema prijedloge svih odluka koje donosi Skupština Komore
- donosi odluke o uvjetima, načinu i rokovima izvršavanja odluka Skupštine Komore
- donosi odluke o uvjetima, načinu i rokovima utvrđivanja prijedloga i donosi odluke o tim prijedlozima u poslovima partnerskih odnosa Komore sa organima izvršne vlasti i uprave Kantona iz člana 14. ovog Statuta
- prati privredna kretanja po pojedinim oblastima i granama, te privrede u cjelini na području Kantona Sarajevo
- razmatra i ocjenjuje uspješnost u izvršavanju zadataka Komore utvrđenih ovim Statutom i utvrđuje mјere za povećanje efikasnosti njenog rada
- donosi sva opća akta Komore koji nisu u djelokrugu rada Skupštine Komore
- bira i razrješava potpredsjednika Komore i sekretara Komore, na prijedlog predsjednika Komore
- obrazuje komisiju za praćenje provođenja Kodeksa poslovne etike članova Komore
- bira i razrješava predsjednika i članove Suda časti i tužioča i zamjenika tužioča Suda časti Komore
- prema potrebi obrazuje i druge komisije, stručne grupe i druga radna tijela iz reda članova Komore, naučnih institucija, uglednih stručnjaka iz oblasti privrede, članova Upravnog odbora i Stručne službe Komore, radi što kvalitetnije obrade određenih pitanja iz svog djelokruga
- odlučuje u drugom stepenu o žalbama na odluke Suda časti Komore i o brisanju iz članstva Komore poslovnom subjektu na preporuku Suda časti
- donosi druge odluke, zaključke i preporuke utvrđene zakonom, ovim Statutom, odlukama Skupštine i drugim aktima Komore.

Član 40.

Upravni odbor donosi odluke većinom glasova ukupnog broja svojih članova.

Glasanje u Upravnom odboru je javno.

Izuzetno, Upravni odbor može odlučiti da se o pojedinim pitanjima izvrši tajno glasanje.

Član 41.

Bliže odredbe o radu Upravnog odbora Komore uređuju se Poslovnikom kojeg donosi Upravni odbor.

**SLUŽBENE NOVINE
KANTONA SARAJEVO**

Četvrtak, 9. marta 2006.

Broj 7 – Strana 245

3. Nadzorni odbor Komore

Član 42.

Nadzorni odbor Komore ima predsjednika i 2 (dva) člana.

Skupština bira i razrješava članove Nadzornog odbora i menjuje predsjednika Nadzornog odbora na vrijeme trajanja svog mandata.

Nadzorni odbor obavlja svoju funkciju i po isteku mandata skupštine koja ga je izabrala, sve dok novoizabrana Skupština ne zabere novi Nadzorni odbor.

Jedno lice može biti birano u Nadzorni odbor više puta, bez ograničenja.

Član 43.

Za članove Nadzornog odbora ne mogu biti birani predstavnici članova Skupštine Komore, članovi Upravnog odbora Komore, predsjednik Komore i potpredsjednik Komore.

Član 44.

Nadzorni odbor Komore:

- kontrolira sprovođenje Statuta i drugih općih akata Komore
- kontrolira ostvarivanje prava i obaveza članova Komore
- kontrolira finansijsko i materijalno poslovanje Komore, odnosno njene Stručne službe
- vrši nadzor nad izvršavanjem prava i obaveza Komore utvrđenih odredbama ovog statuta o djelatnosti Komore i daje prijedloge za unapređivanje aktivnosti Komore
- obavlja nadzor i vrši kontrolu aktivnosti i poslovanja Komore i njenih organizacionih jedinica po prijedlozima Skupštine, Upravnog odbora ili predsjednika Komore, odnosno po vlastitoj inicijativi, i o rezultatima tog nadzora, odnosno kontrole podnosi odgovarajući izvještaj.

Član 45.

Nadzorni odbor ima pravo i obavezu da Skupštini Komore podnese izvještaj o pitanjima iz prethodnog člana najmanje jedanput godišnje, prilikom razmatranja i usvajanja izvještaja o radu Komore, finansijskog plana i završnog obračuna Komore, a Upravnom odboru i predsjedniku Komore u roku od 30 dana po završetku nadzora, odnosno kontrole o pojedinim pitanjima iz prethodnog člana.

Bliže odredbe o radu Nadzornog odbora određuju se Poslovnikom kojeg donosi Nadzorni odbor Komore.

4. Predsjednik Komore

Član 46.

Predsjednik Komore je inokosni organ Komore.

Predsjednika Komore bira i razrješava Skupština Komore, na vrijeme trajanja svog mandata. Predsjednik Komore obavlja svoju funkciju i po isteku mandata Skupštine Komore koja ga je izabrala, sve dok novoizabrana Skupština ne izabere novog predsjednika.

Jedno lice može biti birano za predsjednika Komore više puta, bez ograničenja.

Član 47.

Za Predsjednika Komore može biti izabrano lice koje je istaknuti privredni-poduzetnik, naučno-istraživački radnik ili ugledni stručnjak iz oblasti privrede, za čiji izbor ne postoje zakonske smetnje predvidene za izbor poslovodnog organa preduzeća.

Član 48.

Predsjednik Komore:

- zastupa i predstavlja Komoru pred organima državne vlasti i svim drugim privrednim i neprivrednim subjektima
- organizuje proces rada i rukovodi radom i poslovanjem Komore
- odgovara za zakonitost rada Komore

- izvršava odluke Skupštine Komore i Upravnog odbora Komore, te preduzima odgovarajuće mјere po izvještajima Nadzornog odbora Komore

- priprema prijedloge svih akata koje u svom djelokrugu utvrđuju i donose Skupština i Upravni odbor Komore
- odlučuje kao drugostepeni organ o svim pravima, obavezama i odgovornostima rađnika u Stručnoj službi Komore
- obavlja i sve druge poslove utvrđene zakonom, Statutom, drugim općim aktima i odlukama Skupštine i Upravnog odbora Komore.

Član 49.

Predsjednik Komore ima pravo i obavezu da Skupštini Komore podnese izvještaj o radu Komore najmanje jedanput godišnje, a Nadzornom odboru Komore najkasnije u roku od 30 dana od dana kada zatraži taj izvještaj.

Član 50.

Ako predsjedniku Komore iz bilo kojeg razloga prestane funkcija, funkciju predsjednika Komore vršiće potpredsjednik Komore do izbora novog predsjednika Komore.

Član 51.

Predsjednik Komore je u radnom odnosu sa Komorom i u njoj ostvaruje sva prava i obaveze na radu i po osnovu rada.

U slučaju da predsjednik Komore ne bude ponovo izabran na tu funkciju, ili bude razriješen te funkcije iz bilo kog razloga, Komora je dužna da mu ponudi raspored na radno mjesto u Stručnoj službi Komore koje odgovara njegovoj stručnoj spremi i drugim radnim sposobnostima.

Ako predsjednik Komore ne prihvati ponuđeno radno mjesto u Stručnoj službi Komore, prestaje mu radni odnos u Komori čim sam sebi obezbijedi drugo zaposlenje, a najkasnije protekom otaknog roka od 1 (jednu) godinu dana.

Za vrijeme otaknog roka predsjednik Komore ostvaruje sva prava iz radnog odnosa u Komori u obimu koji je ostvario do prestanka funkcije predsjednika Komore.

Potpredsjednik Komore

Član 52.

Komora ima potpredsjednika Komore koga bira i razrješava Upravni odbor Komore na vrijeme trajanja svog mandata, na prijedlog predsjednika Komore.

Potpredsjednik Komore mora ispunjavati uvjete za izbor kao i predsjednik Komore.

Jedno lice može biti birano više puta za potpredsjednika Komore, bez ograničenja.

Član 53.

Potpredsjednik Komore zastupa i predstavlja Komoru u slučaju sprječenosti ili odsutnosti predsjednika Komore, a po ovlaštenju predsjednika Komore može da zastupa i predstavlja Komoru u određenim poslovima bez obzira na njegovu sprječenost ili odsutnost.

Član 54.

Osim poslova zastupanja i predstavljanja potpredsjednik Komore pomaže predsjedniku Komore u svim njegovim poslovima, radi po uputstvima i smjernicama predsjednika, a za svoj rad odgovara predsjedniku Komore i Upravnom odboru Komore.

Član 55.

Potpredsjednik Komore je u radnom odnosu sa Komorom i u njoj ostvaruje sva prava i obaveze na radu i po osnovu rada.

U slučaju prestanka funkcije, potpredsjednik Komore ima sva prava iz člana 51. ovog Statuta, s tim da mu otakzni rok iznosi 6 (šest) mjeseci.

**S LUŽBENE NOVINE
KANTONA SARAJEVO**

Broj 7 – Strana 246

Četvrtak, 9. marta 2006.

Sekretar Komore

Član 56.

Komora ima sekretara Komore koga bira i razrješava Upravni odbor Komore na vrijeme trajanja svog mandata, na prijedlog predsjednika Komore.

Jedno lice može biti više puta birano za sekretara Komore, bez ograničenja.

Član 57.

Sekretar Komore je neposredni rukovodilac Stručne službe Komore, rukovodi njenim poslovanjem i organizuje proces rada, zastupa i predstavlja Komoru u poslovima Stručne službe i odgovara za zakonitost rada Stručne službe.

Sekretar Komore radi po nalozima, uputstvima i smjernicama Upravnog odbora i predsjednika Komore i odgovara im za svoj rad.

Sekretar Komore može da zastupa i predstavlja Komoru u granicama ovlaštenja koje mu da predsjednik Komore.

Član 58.

Sekretar Komore je u radnom odnosu sa Komorom i u njoj ostvaruje sva prava i obaveze na radu i po osnovu rada.

U slučaju prestanka funkcije, sekretar Komore ima sva prava iz člana 51. ovog Statuta, s tim da mu otkazni rok iznosi 6 (šest) mjeseci.

VII. SUD ČASTI

Član 59.

U okviru Komore djeluje Sud časti.

Sud časti se stara o razvijanju i zaštiti dobroih poslovnih običaja od strane članova Komore, vodi postupak i izriče mjere za povredu Kodeksa poslovne etike članova Komore, ugovora, trgovackih pravila, uzansi i drugih propisa na domaćem tržištu.

Sud časti razmatra i sankcionise naročito kršenje Kodeksa poslovne etike članova Komore, narušavanje konkurenčije na tržištu putem monopolističkog djelovanja, neloyalne konkurenčije, špekulacije i ograničavanja tržišta, te povredu ugleda svojih članova i drugih preduzeća u obavljanju poslovanja u Kantunu, Federaciji i Bosni i Hercegovini.

Član 60.

Postupak pred Sudom časti Komore pokreće tužilac Suda časti Komore po vlastitoj inicijativi ili na prijedlog nekog organa Komore ili člana Komore.

Protiv odluka Suda časti i tužilac i član Komore, na koga se odluka odnosi, može izjaviti žalbu Upravnom odboru Komore. Odluka Upravnog odbora je konačna i izvršna.

Član 61.

Upravni odbor Komore posebnim općim aktom utvrđuje organizaciju, nadležnost i sastav Suda časti, broj i način izbora sudija i tužilaca Suda časti, mjere koje se mogu izreći, postupak i druga pitanja od značaja za rad Suda časti.

VIII. SREDSTVA ZA RAD KOMORE

Član 62.

Finansijska i druga sredstva za svoj rad Komora obezbjeđuje iz članarine, kotizacije, naknade za vršenje usluga u oblasti javnih ovlaštenja, naknade za vršenje drugih usluga pojedinim članovima Komore ili drugim zainteresiranim subjektima, kao i iz drugih izvora, u skladu sa zakonom, ovim Statutom i drugim aktima Komore.

Član 63.

Iz članarine i kotizacije finansiraju se izdaci od zajedničkog interesa utvrđeni aktima Komore i godišnjim programom rada.

Osnovicu, stopu, rokove i način plaćanja članarine utvrđuje Skupština Komore posebnim odlukama za svaku poslovnu godinu.

Iz ostalih sredstava finansiraju se drugi poslovi i zadaci iz djelokruga rada Komore.

Osnovne tarife i kriterije utvrđivanja cijena pojedinačnih usluga donosi Upravni odbor Komore.

Član 64.

Komora za svaku godinu donosi i usvaja finansijski plan i godišnji obračun, u skladu sa zakonom i ovim Statutom.

Ako Skupština Komore do kraja tekuće godine ne doneše Finansijski plan za narednu godinu i ne utvrdi članarinu za narednu godinu, Upravni odbor Komore će donijeti Odluku o privremenom finansiranju.

IX. PRELAZNE I ZAVRŠNE ODREDBE

Član 65.

Inicijativu za izmjene i dopune Statuta mogu preduzeti Upravni odbor, Nadzorni odbor, predsjednik Komore, te najmanje jedna trećina predstavnika članova Komore u Skupštini Komore.

O preduzetoj inicijativi odlučuje Upravni odbor Komore.

Član 66.

Do konstituisanja i izbora novih organa Komore u skladu sa ovim Statutom, svi postojeći organi Komore nastaviće svoj rad, u skladu sa Zakonom i postojećim aktima Komore.

Član 67.

Do donošenja novih općih akata Komore, svi postojeći opći akti ostaju na snazi.

Član 68.

Ovaj Statut stupa na snagu osmog dana od dana objavljivanja u "Službenim novinama Kantona Sarajevo".

Broj 1-3/06
16. februara 2006. godine

Predsjednik
Privredne komore
Kantona Sarajevo
Kemal Grebo, s. r.

ISPRAVKE

Na osnovu člana 155. Poslovnika Skupštine Kantona Sarajevo ("Službene novine Kantona Sarajevo", broj 12/05 - Prečišćeni tekst), a prilikom sravnjavanja sa izvornim tekstrom "Strategije razvoja zdravstva na Kantonu Sarajevo 2006-2015. godine", objavljene u "Službenim novinama Kantona Sarajevo", broj 6/06, uočena je štamparska greška, te se daje slijedeća

ISPRAVKA

U "Strategiji razvoja zdravstva na Kantonu Sarajevo 2006-2015. godine" ("Službene novine Kantona Sarajevo", broj 6/06) na strani 47. briše se zadnji red koji glasi: "Alternativa - plaćanje po bolno-opskrbnom danu i operativnom zahvatu, ili po slučaju (grupa dijagnoza)".

Sekretar
Abid Kolašinac, s. r.

ODLUKU

O IMENOVANJU VRŠIOCA DUŽNOSTI PRAVOBRANIOLAŠTVA OPĆINE VOGOŠĆA

I.

ZUKO SULEJMAN, diplomirani pravnik iz Vogošće, imenuje se za vršioca dužnosti pravobranioca Pravobranilaštva Općine Vogošća.

II.

Imenovani se imenuje za vršioca dužnosti pravobranioca Pravobranilaštva Općine Vogošća, na period od šest mjeseci od 30.12.2006. godine.

III.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-02-4217/06
27. decembra 2006. godine
Vogošća

Predsjedavajuća
Općinskog vijeća Vogošća
Nada Šćur, s. r.

Na osnovu člana 29. stav 1. tačka 5. Zakona o lokalnoj samoupravi ("Službene novine Kantona Sarajevo", broj 22/00 - Prečišćeni tekst), član 67. stav 1. tačka 5. Statuta Općine Vogošća ("Službene novine Kantona Sarajevo", broj 22/01 - Prečišćeni tekst, 35/01, 8/02 i 24/04), član 37. Poslovnika o radu Općinskog vijeća Vogošća ("Službene novine Kantona Sarajevo", broj 11/02 - Prečišćeni tekst, 15/05 i 4/06) i člana 5. Odluke o gradevinskom zemljištu ("Službene novine Kantona Sarajevo", broj 17/04), Općinsko vijeće Vogošća na sjednici održanoj 27. decembra 2006. godine, donijelo je

RJEŠENJE

O IZBORU I IMENOVANJU KOMISIJE ZA PROVOĐENJE JAVNOG KONKURSA ZA DODJELU GRADSKOG GRAĐEVINSKOG ZEMLJIŠTA

I.

U Komisiju za provođenje konkursa za dodjelu gradskog gradevinskog zemljišta Općinskog vijeća Vogošća biraju se i imenju:

1. SEDIN KAHRIMAN, SDA, predsjednik
2. MELISA OVČINA, S BiH, član
3. NEDŽAD BRKANIĆ, SDA, član
4. ZINAJDA LIER, SDP, član
5. HUSEIN FAZLIĆ, SPU, član

II.

Ovo Rješenje objavit će se u "Službenim novinama Kantona Sarajevo".

Broj 01-05-4219/06
27. decembra 2006. godine
Vogošća

Predsjedavajuća
Općinskog vijeća Vogošća
Nada Šćur, s. r.

PRIVREDNA KOMORA KANTONA SARAJEVO Skupština

Na osnovu člana 13. Zakona o privrednim komorama u Federaciji Bosne i Hercegovine ("Službene novine Federacije BiH", broj 35/98 i 34/03) i člana 31, a u vezi sa članom 33. i 63. Statuta Privredne komore Kantona Sarajevo - prečišćeni tekst ("Službene novine Kantona Sarajevo", broj 7/06), Skupština Komore, na drugoj sjednici održanoj 14. decembra 2006. godine, donijela je

ODLUKU

O IZMJENAMA STATUTA PRIVREDNE KOMORE KANTONA SARAJEVO

Član 1.

U Statutu Privredne komore Kantona Sarajevo - prečišćeni tekst ("Službene novine Kantona Sarajevo", broj 7/06), u članu 63. stav 2. mijenja se i glasi:

"Stav 2.

"Osnovicu, stopu, rokove i način plaćanja članarine utvrđuje Skupština Komore posebnom odlukom."

Član 2.

U članu 64. stav 2. iza riječi: "za narednu godinu" brišu se riječi: "i ne utvrđi članarina za narednu godinu". Preostali tekst ostaje neizmijenjen.

Član 3.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Predsjednik
Broj 29-39/06
14. decembra 2006. godine
Sarajevo

Skupštine Privredne komore
Kantona Sarajevo
mr. Muhamed Šaćiragić, s. r.

Na osnovu člana 18. Zakona o privrednim komorama u Federaciji Bosne i Hercegovine ("Službene novine Federacije BiH", broj 35/98 i 34/03) i člana 31. a u vezi sa članom 62. i 63. Statuta Privredne komore Kantona Sarajevo - prečišćeni tekst, Skupština Privredne komore Kantona Sarajevo, na drugoj sjednici održanoj 14. decembra 2006. godine, donijela je

ODLUKU

O VISINI I NAČINU PLAĆANJA ČLANARINE

Član 1.

Za članove Privredne komore Kantona Sarajevo (u daljnjem tekstu: članovi Komore) iz člana 6. Zakona o privrednim komorama u Federaciji Bosne i Hercegovine ("Službene novine Federacije BiH", broj 35/98 i 34/03), koji imaju sjedište na teritoriji Kantona Sarajevo, za finansiranje zajedničkih interesa koji su određeni aktima Komore i Godišnjim programom rada, visina članarine ostaje nepromijenjena u odnosu na 2006. godinu.

Za novoprimaljene članove Komore utvrđuje se visina članarine u iznosu koji čini osnovica, najniža bruto plaća ukupnog broja zaposlenih, utvrđena prema posljednjim objavljenim statističkim podacima Federalnog zavoda za statistiku, pomnožena sa 4,8%.

Kolektivni članovi Komore plaćaju kotizaciju u visini 10% od iznosa ostvarenog po osnovu naplaćene članarine od svojih članova.

Član 2.

Ukoliko po obračunu iz člana 1. ove Odluke članarina iznosi manje od 30,00 KM, u tom slučaju članovi Komore uplačuju članarinu u minimalnom iznosu od 30,00 KM mjesечно.

Član 3.

Uplata članarine vrši se na transakcijske račune Privredne komore Kantona Sarajevo, kod poslovnih banaka, i to:

- LT Gospodarska banka d.d. Sarajevo,
broj računa: 170 100 2000268739,
- Vakufska banka d.d. Sarajevo,
broj računa: 160 200 0000501028,
- Union banka d.d. Sarajevo,
broj računa: 102 050 0000006788
- Raiffeisen bank d.d. Sarajevo,
broj računa: 161 000 000 456 0078

PRIVREDNA KOMORA KANTONA SARAJEVO

Na osnovu člana 13. Zakona o privrednim komorama u Federaciji Bosne i Hercegovine ("Službene novine Federacije BiH", broj 35/98 i 34/03) i člana 31, a u vezi sa članom 33. Statuta Privredne komore Kantona Sarajevo ("Službene novine Kantona Sarajevo", broj 7/06 i 36/06), Skupština Komore, na sjednici održanoj 23. septembra 2014. godine, donijela je

ODLUKU

O IZMJENAMA I DOPUNAMA STATUTA PRIVREDNE
KOMORE KANTONA SARAJEVO

Član 1.

U Statutu Privredne komore Kantona Sarajevo ("Službene novine Kantona Sarajevo", broj 7/06 i 36/06), u članu 15. stav 1. iza alineje 9. dodaje se nova alineja, koja glasi:

"- ostvaruje saradnju sa drugim nevladinim organizacijama po pitanju razvoja privrede i unapređenja poslovnog ambijenta za podsticanje biznisa."

Iza alineje 11. dodaje se nova alineja, koja glasi:

"- pokreće mјere i aktivnosti na osposobljavanju privrednih subjekata, posebno malih i srednjih privrednih društava u procesima i radnjama kojima se povećava energetska efikasnost poslovnih subjekata i drugih."

Član 2.

Član 26. mijenja se i glasi:

"U Skupštinu Kantona Sarajevo biraju se članovi Komore - privredna društva koji putem svojih ovlaštenih predstavnika učestvuju u radu Skupštine.

Skupština Komore broji ukupno 27 (dvadeset sedam) članova.

Kriteriji i način izbora članova Komore u Skupštinu uredjuju se posebnom odlukom koju donosi Skupština Komore, u skladu sa zakonom."

Član 3.

U članu 33. stav 1. mijenja se i glasi:

"Kada Skupština odlučuje o izboru i razrješenju ostalih organa ili pojedinih članova ostalih organa Komore, odluke se donose tajnim glasanjem, većinom glasova prisutnih predstavnika na sjednici."

Član 4.

U članu 40. stav 1. mijenja se i glasi:

"Upavni odbor donosi odluke većinom glasova prisutnih članova na sjednici."

Član 5.

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 29-8/14
23. septembra 2014. godine
Sarajevo

Predsjednik
Skupštine privredne komore
Kantona Sarajevo
Dr. Muhamed Šaćiragić, s. r.

SLUŽBENE OBJAVE

UDRUŽENJA

Ministarstvo pravde i uprave Kantona Sarajevo, rješavajući po zahtjevu Udrženja "SARAJEVSKI ROMI" za upis promjena u Registar udruženja, na osnovu člana 33. stava 2. Zakona o udruženjima i fondacijama ("Službene novine Federacije BiH", broj 45/02), donosi

RJEŠENJE

Prestaje sa radom Udrženje "SARAJEVSKI ROMI" sa sjedištem u Sarajevu, ul. Safeta Hadžića broj 34, upisano u Registar udruženja koji se vodi kod Ministarstva pravde i uprave Kantona Sarajevo Rješenjem broj 03-05-05-1673/08 od 22.02.2008. godine, pod registarskim brojem 1104, knjiga II regista.

Broj 03-05-05-15651/14
12. septembra 2014. godine
Sarajevo

Ministrica
Velida Memić, s. r.
(O-926/14)

Na osnovu člana 33. stav 2. i člana 43. stav 1. tačka 1. Zakona o udruženjima i fondacijama ("Službene novine Federacije BiH", broj 45/02), a po zahtjevu Udrženja invalidnih i hendikepiranih osoba Novi Grad, Ministarstvo pravde i uprave donosi

RJEŠENJE

Prestaje sa radom Udrženje invalidnih i hendikepiranih osoba Novi Grad, sa sjedištem u Sarajevu, ulica Franje Kluza broj 43, upisano u registar udruženja koji se vodi kod Ministarstva pravde i uprave Kantona Sarajevo, Rješenjem broj 03-05-05-10675/06 od 25.10.2006. godine pod registarskim brojem 950. knjiga II Regista.

Broj 03-05-05-14118/13
23. januara 2014. godine
Sarajevo

Ministrica
Velida Memić, s. r.
(O-940/14)

Ministarstvo pravde i uprave Kantona Sarajevo rješavajući po zahtjevu Udrženja Obrazovno - razonodni centar za mlade MLADI.ORG za upis promjena u Registar udruženja, na osnovu člana 33. stava 2. Zakona o udruženjima i fondacijama ("Službene novine Federacije BiH", broj 45/02), donosi

RJEŠENJE

Prestaje sa radom Udrženje Obrazovno-razonodni centar za mlade MLADI.ORG, sa sjedištem u Sarajevu, ul. Banjska broj 2, upisano u Registar udruženja koji se vodi kod Ministarstva pravde i uprave Kantona Sarajevo rješenjem broj 03-05-05-1972/10 od 10.03.2010. godine, pod registarskim brojem 1365, knjiga III regista.

Broj 03-05-05-16334/14
22. septembra 2014. godine
Sarajevo

Ministrica
Velida Memić, s. r.
(O-943/14)